



Bergarako
Udala

BERGARAKO UDALA ETA MARIAREN LAGUNDIA IKASTOLAREN ARTEKO HITZARMENA

Bergaran, bi mila eta hogeitabiko abenduaren 12an

BILDU DIRA

Alde batetik, Gorka Artola alberdi jauna, Bergarako alkatea, Bergarako Udalaren ordezkartzan, behin-behineko Idazkariaren, M^a Goretti Andrinua Iraolagoitia andrearen, laguntzaz, egintzaren fede ematen duena.

Bestetik, Nagore Murua Uria andrea, 15390732Y NAN zenbakidunak, Bergarako Mariaren Lagundia ikastolako zuzendaria, Mariaren Lagundia ikastolaren ordezkartzan (IFZ: R2000181D).

Azken horrek hitzarmena izenpetu eta diru-laguntza jasotzeko gaitasuna duela eta, gai honekiko indarrean dauden xedapenek zehazten dituzten bateraezintasun eta ezgaitasun arazorik ez duela aitortu ondoren, elkar behartzeko legezko gaitasuna aitortzen diote elkarri, honako aurrekariak azalduz

ADIERAZI DUTE

1. Bergarako Udala kezkatuta dagoela hirugarren adinekoen artean dagoen zaugarritasun eta bakardade egoeren aurrean.
2. Bergarako Udalak egoera hauei aurre egiteko neurriak hartu nahi dituela.
3. Mariaren Lagundia ikastolak udalak hirugarren adinarekiko duen kezka konpartitzen duela eta eskaintzen duen gizarteratzeko lanbide heziketako zikloaren barruan gai honen lanketa egitea aproposa dela.
4. Erakunde biak lankidetzan Bergarako hirugarren adinekoen diagnostia egingo dela eta hauen ongizatea hobetzera bideratutako proposamenak jasoko dituztela. Horrez gain proposamen bat ere gauzatuko dute. Kontuan izan behar da Mariaren Lagundia dela herri mailan gizarte arloko lanbide heziketa zikloak eskaintzen dituen ikastetxe bakarra, "mendekotasuna" eta "gizarte integrazioa" zikloak eskaintzen ditu.
5. Alkateak 2022ko azaroaren 29an emandako Dekretu baten bitartez erabaki dela 2022/2023 ikasturterako proiektu hau gauzatzeko 8.180 euroko diru-laguntza ematea Mariaren Lagundia ikastolari eta bi aldeen betebeharrak hitzarmen batean jasotzea.

Hori dela eta, ondorengo klausulak dituen hitzarmena hitzartu dute

KLAUSULAK

LEHENENGOA: Mariaren Lagundia ikastolak ondoren jasotakoa betetzeko konpromisoa hartzen du:

- 1.- "Bergarako adindunak erdigunean" proiektua gauzatzeko pertsona bat izendatuko du eta horren berri emango dio udalari.
- 2.- Diagnostikoa osatuko du ikasleekin.
- 3.- Diagnostikoaren ondorioak udalean aurkeztuko ditu.





Bergarako
Udala

- 4.- Ondorioetan oinarritutako proiektuak proposatuko ditu eta udalarekin adostutako proiektu bat (gutxienez) aurrera eramango du.
- 5.- Bergarako udalarekiko dokumentazio eta komunikazio guztiak euskara hutsean izango dira. Herritarrekiko komunikazio orokorrak euskaraz eta gaztelaniaz baina euskarari lehentasuna emanez. Eta norbanakoei banaka zuzentzean bakoitzak hautatzen duen hizkuntzan baina euskaraz izatea bultzatuko da.
- 6.- Proiektua aurrera eramateko pertsonal guztiaren gastua eta hauen erantzukizuna Mariaren Lagundia ikastolaren gain joango da.
- 7.- Ekintzaren gaineko zabalkunde oharretan Bergarako Udalarekin lankidetzan egindako proiektua dela adieraziko du (bai logoak erabiliz bai ahozko eta idatzizko komunikazioetan).
- 8.- Udalak egin ditzakeen ikuskapenak erraztuko ditu.

BIGARRENA: Bergarako Udalak, berriz ondorengoa betetzeko konpromisoa hartzen du:

1.- Bergarako Mariaren Lagundia ikastolari 8.180 euroko diru-laguntza ematea. Ordainketa bi zatitan egingo da:

-1. zatia: hitzarmena sinatutakoan %40.

-2. zatia: gainontzeko %60a ekintzaren memoria, balantze ekonomikoa eta gastuen zuritze-agiriak aurkeztu eta ontzat emandakoan ordainduko da, beti ere 2024ko martxoaren 1a baino lehen.

Ordainketa gauzatu aurretik, Mariaren Lagundia Ikastolak Gizarte Segurantzarekiko eta Foru Ogasunarekiko ordainketetan egunean dagoela egiaztatzen duten agiriak aurkeztu beharko ditu.

HIRUGARRENA: Hitzarmen honen iraupena 2022an hasi eta 2024ko martxoaren 1ean bukatuko da.

LAUGARRENA: Udalak emango duen diru-laguntzaz gain helburu bera duen beste edozein diru-laguntza ere jaso ahal izango da.

Hala eta guztiz ere, diru-laguntzak (Udalarenak bakarrik edo beste batzuenekin batuta) ezingo du inola ere gainditu diruz laguntzen den jardueraren kostua.

BOSTGARRENA: Diru-laguntza emateko kontuan hartu diren baldintzetakoren bat aldatuko balitz edo, Udalaren laguntzaz gain, beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua proportzio berean aldatzea.

SEIGARRENA: Diru-laguntza berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-laguntza bete beharreko baldintzak bete gabe jasotzea.
- b) Diru-laguntza erabiltzea lortu beharreko helburua ez den beste helburu baterako.

Edozein arrazoiengatik, diru-laguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.



Nagore M.



Begarako
Udala

ZAZPIGARRENA: Proiektua bukatu eta gehienez 2 hilabetera (2024ko martxoaren 1a baino lehen), bukaerako memoria aurkeztu beharko du Mariaren Lagundia ikastolak, memoria honen edukia ondorengoak izango da gutxienez:

- Prozesuaren azalpena.
- Diagnostikoaren dokumentua.
- Proposatutako proiektuen zerrenda.
- Gauzatutako proiektuaren/proiektuen azalpena.
- Arlo ekonomikoa: izandako diru sarrera eta gastuak jasoko ditu, baita udalak diruz laguntzen duen diru kopuruaren besteko ziurtagiriak ere (fakturak edo nomina agiriak).

Justifikatutako gastuak diruz lagundutako kopurua baino txikiagoak badira, diru-laguntza proportzio berdinean gutxituko da. Mariaren Lagundia ikastolak diferentzia itzuli beharko dio Udalari Udalak zehaztutako epean.

Egindako gastuak berriz, aurkeztutako aurrekontuan jasotakoak baino handiagoak badira, Udalak onartutakoa baino diru-laguntza gehiago ez du emango.

Zuritzeko betebeharra ez betetzeak edo behar bezala ez justifikatzeak berekin ekarriko du dirulaguntza itzultzea.

ZORTZIGARRENA: Egintza honek lankidetzeta-hitzarmen izaera dauka. Hitzarmenean berariaz jaso gabe dauden kasuetarako, ondorengoak izango dira arau:

- 40/2015 Legea, urriaren 1ekoa, Sektore Publikoaren Araubide Juridikoarena.
- 38/2003 Lege Orokorra, azaroaren 17koa, Dirulaguntzei buruzkoa
- Toki Jardunbideari buruzko Oinarriak arautzen dituen apirilaren 2ko 7/1985 Legea;
- 4/2005 Legea, otsailaren 18koa, Emakumeen eta Gizonen berdintasunerakoa;
- 179/2019 Dekretua, azaroaren 19koa, Euskadiko toki-erakundeetan hizkuntza ofizialen erabilera instituzionala eta administratiboa normalizatzeari buruzkoa

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bi aldeek hirukoiztuta sinatzen dute. hitzarmen hau nire aurrean sinatu dute, nik, behin-behineko idazkariak, egiaztatzen dudalarik.

Begarako alkatea

Gorka Artola Alberdi



**Begarako Mariaren Lagundia
Ikastolako zuzendaria**

Nagore Murua Uria



Behin behineko idazkaria

Maria Goretti Andrinua Iraolagoitia

